

歷代畫家詩文集

類箋王右丞全集(一)


臺灣學堂書局印行

類箋王右丞全集
(一)

蘇平如

PDG

題王右丞詩箋小引



余結髮嗜讀書厭章句而科制俳耦之學非其
好也始為弟子都養奉功今垂廿餘載獨晁莫
游懋篇囿侶侶無勸狀常願讀遍人外未見書
足了此生矣犁以鄉賦之年稍涉經疏逢辰之
缺輒擯落去竊握簡念曰春穠長矣六七上京
兆而不能倖試一第我身在幻泡儵且拱木孔
氏無聞之訓君子懼之故其操觚摘契猶如鄉
時而尋驩託暘之具更戀戀於盛唐詩編無去

手焉蓋玄肅以下詩人其數十百語盛唐者唯
高王岑孟四家為最語四家者唯右丞公為最
其為詩也上薄騷雅下括漢魏博綜羣籍漁獵
百氏於史子蒼雅緯候鈴決內學外家之說苞
并總統無所不闕郵長於佛理故其摘藻奇逸
措思冲曠馳邁前槩雄視名雋凡今長老薦紳
之屬工為詩者恒嗟賞而雅密之殆與耳食無
異噫公之詩豈易語哉亦豈有瞻涉響辨而自
通其意者哉余方倦遊兩都棲閒濠曲爰歲故

麓幾以關諸稽德者肆筆論次而未逮焉偶獲
公集一編四三誦之自劉會孟氏批校外無別
語豈視其淵蘊玄指茫然如航漚渤而莫覩南
車何詹彼岍耶遂捃撫墳素磔裂固實整其凌
楸叅其讐顛篇為類句為釋仍授一二時輩屬
草之居三稔而盈牘矣庶乎覽者渙釋相悅以
解矣輒不退讓竟以殺青非敢箱緘於記府政
欲印可於藝林縱汗青無日之語罔貽羞於子
玄而士衡覆甕所須其在斯乎雖然首創者難

為功因循者易為力故釋漢選者更六臣註杜
詩者稱千家而韓柳兩集亦藉唐宋名賢數十
曹以絡成之苟有虛錯猶可分譏也翳余孤學
謏聞以一手一足之烈而頓欲儕美於羣流有
是哉東楚迂客顧起經玄緯題

嘉靖卅四季深月白分錫武陵家墅刻

唐進王右丞集表

臣繙言中使王承華奉宣進止

文苑英華有應是王維文賦並

仰錄寫進上者十三字

令臣進亡兄故尚書右丞維文章

恩命忽臨以驚以喜退因編錄又竊感傷臣兄

文詞立身行之餘力當官

一作常持

堅正秉操孤直

縱居要劇不忘清淨實見時輩許以高流至於

晚年彌加進道端坐虛室念茲無生乘興爲文

未嘗廢業

一作筆

或散朋友之上或畱篋笥之中

臣近搜求尚慮零落詩筆共成十卷今且隨表

奇字齋

二二二

吳應龍

奉進

一作進上

曲承天鑒下訪遺文魂而有知荷寵

光於幽窆歿而不朽成大名於聖朝臣不勝感

戴悲歡之至謹奉表以聞臣縉誠惶誠恐

一作懼

頓首頓首謹言

銀青光祿大夫尚書兵部侍郎兼御史大夫

臣王縉表上

唐代宗皇帝批答手敕

敕卿之伯氏天下文宗位歷先朝名高希代抗
行周雅長揖楚辭調六氣於終編正五音於逸

韻泉飛藻思雲散襟情詩家者流時論歸美誦
於人口久鬱文房歌以國風宜登樂府眎朝之
後乙夜將觀石室所藏歿而不朽栢梁之會今
也則亡乃眷棣華克成編錄聲猷益茂歎息良
深

以上表敕俱見文苑英華唐詩紀事

舊唐書文苑傳

唐端明殿學士中書侍郎兼吏部尚書監修
國史右僕射同中書門下平章事劉昫撰

王維字摩詰太原祁人父處廉終汾州司馬徙

家於蒲遂爲河東人維開元九年進士擢第事
母崔氏以孝聞與弟縉俱有俊才博學多藝亦
齊名閨門友悌多士推之歷右拾遺監察御史
左補闕庫部郎中居母喪柴毀骨立殆不勝喪
服闋拜吏部郎中天寶末爲給事中祿山陷兩
都玄宗出幸維扈從不及爲賊所得維服藥取
痢僞稱瘖病祿山素憐之遣人迎置雒陽拘於
普施寺迫以僞署祿山宴其徒於凝碧宮其工
皆梨園子弟教坊工人維聞之悲惻潛爲詩曰

萬戶傷心生野煙百官何日再朝天秋槐花落
空宮裏凝碧池頭奏箏絃賊平陷賊官三等定
罪維以凝碧詩聞於行在肅宗嘉之會縉請削
已刑部侍郎以贖兄罪特宥之謫授太子中允
乾元中遷太子中庶子中書舍人復拜給事中
轉尚書右丞維以詩名盛於開元天寶間昆仲
宦遊兩都凡諸王駙馬豪右貴勢之門無不拂
席迎之寧王薛王待之如師友維尤長五言詩
書畫特臻其妙筆蹤措思叅於造化而創意經

圖卽有所缺如山水平遠雲峯石色絕迹天機
非繪者之所及也人有得奏樂圖不知其名維
視之曰霓裳第三疊第一拍也好事者集樂工
按之一無差咸服其精思維弟兄俱奉佛居常
蔬食不茹葷血晚年長齋不衣文綵得宋之問
藍田別墅在輞口輞水周於舍下別漲竹洲花
塢與道友裴迪浮舟往來彈琴賦詩嘯咏終日
常聚其田園所爲詩號輞川集在京師日飯十
數名僧以玄譚爲樂齋中無所有唯茶鐺藥臼

經案繩牀而已退朝之後焚香獨坐以禪誦爲
事妻亡不再娶三十年孤居一室屏絕塵累乾
元二年七月卒臨終之際以縉在鳳翔忽索筆
作別縉書又與平生親故作別書數幅多敦厲
朋友奉佛修心之旨捨筆而絕代宗時縉爲宰
相代宗好文常謂縉曰卿之伯氏天寶中詩名
冠代朕嘗於諸王座聞其樂章今有多少文集
卿可進來縉曰臣兄開元中詩百千餘篇天寶
事後十不存一比於中外親故間相與編綴都

得四百餘篇翌日上之帝優詔褒賞縉自有傳
新唐書文藝傳

宋端明殿學士兼翰林侍讀學士龍圖閣學
士朝請大夫守尚書吏部侍郎充集賢殿
修撰宋祁奉敕撰

王維字摩詰九歲知屬辭與弟縉齊名資孝友
開元初擢進士調大樂丞坐累爲濟州司倉參
軍張九齡執政擢右拾遺歷監察御史母喪毀
幾不生服除累遷給事中安祿山反玄宗西狩

維爲賊得以藥下痢陽瘖祿山素知其才迎置
洛陽迫爲給事中祿山大宴凝碧池悉召梨園
諸工合樂諸工皆泣維聞悲甚賦詩悼痛賊平
皆下獄或以詩聞行在時縉位已顯請削官贖
維罪肅宗亦自憐之下遷太子中允久之遷中
庶子三遷尚書右丞縉爲蜀州刺史未還維自
表已有五短縉五長臣在省戶縉遠方願歸所
任官放田里使縉得還京師議者不之罪久乃
召縉爲左散騎常侍上元初卒年六十一疾甚

縉在鳳翔作書與別又遺親故書數幅停筆而
化贈秘書監維工草隸善畫名盛於開元天寶
間豪英貴人虛左以迎寧薛諸王待若師友畫
思入神至山水平遠雲勢石色繪工以爲天機
所到學者不及也客有以按樂圖示者無題識
維徐曰此霓裳第三疊最初拍也客未然引工
按曲乃信兄弟皆篤志奉佛食不葷衣不文綵
別墅在輞川地奇勝有華子岡欽湖竹里館柳
浪茱萸泝辛夷塢與裴迪遊其中賦詩相酬爲

樂喪妻不娶孤居三十年母亡表輞川第爲寺
終葬其西寶應中代宗語縉曰朕嘗於諸王座
聞維樂章今傳幾何遣中人王承華往取縉哀
集數十百篇上之

新唐書宰相世系表

宋翰林學士兼龍圖閣學士朝散大夫給事
中知制誥充史館修撰判祕閣臣歐陽修
奉敕撰

太原王氏出自離次子威漢揚州刺史九世孫